

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**De Fidei Formularvm Praecipue Avgvstanae Confessionis
Iustitia Et Vsv**

**Bernhold, Johann Balthasar
Schifflin, Johann Sigismund**

Altorfii, [1730]

§XV.

[urn:nbn:de:bsz:31-67824](#)

cultatis hic deprehendimus, quare ad alterum, quod in fidei formulis occurrit, membrum, dictis S. Scripturae probandum delabimur.

§. XV.

E pracepto Pauli ad Timotheum scripto II. Tim. I. 13. ¶ 2.
 ὑποτύπωσιν ἔχει ὑγιαινόντων λόγων, ἀν ταῦτα ἐμοὶ ἡγεμονία ἐν πί-
 στι καὶ αἰσθητῇ τῇ ἐν Χριστῷ Ἰησῷ· hanc ὑποτύπωσιν et alio
 loco Rom. VI. 17. appellat τύπον διδαχῆς· iniungit ei hisce
 uerbis, ut ex uniuersa Christi doctrina, quam ore hac tenus
 tradidit, et scripto iam denuo explicat, quae πίστει καὶ αἴσθητῃ
 ἐν Χριστῷ Ἰησῷ absoluitur, colligat et exstruat ὑποτύπωσιν,
 ideam, formam, quae plene, perspicue, summatim tamen &
 uno quasi conspectu I. C. doctrinam aptissimo ordine inuicem
 colligatam exhibeat, exacteque referat illam tanquam exem-
 plum, εὐέντα καὶ αἴσθητου, cuius ipsa est τύπος; uno uerbo
 ut πίστει sit αἴσθητος; at non tantum qua res, sed et uerba;
 dicitur enim ὑποτύπωσις ὑγιαινόντων λόγων, non modo διδα-
 χή, sed τύπος διδαχῆς, sub quo et τρόπος παιδείας utique
 comprehenditur. Quam sanioris doctrinae σύνεψιν et delineationem Timotheum iubet ἔχειν, habere, ἔχει, habitu, e Sacrae
 Scripturae diligent meditatione iuuante Spiritus S. gratia, quae
 in ipso erat, acquisito; σύνεψια diuinorum ueritatum plenum,
 compendiarium tamen et iusto connexum ordine animo tene-
 re; ut sic tanquam episcopus et ἀνθρώπος οὐ θεῖς ἐξηρτισμένος
 πάντας ἔργον αἰσθήσῃ sit. Nostrae expositioni ὁμοψήφης ci-
 citat BERNH. VON SANDEN in Diff. Th. de forma sanorum uer-
 borum etc. §. VII. CHRYSOSTOMVM et HIERONYMVM. Ille enim
 ὑποτύπωσιν hanc uocat κανόνα καὶ αἴσθητου καὶ ὄργανον· ὄργανον
 autem uocantur definitiones apud Philosophum, cum primis il-
 lae, quae breuibus et paucis uerbis τὸ πῖον ἐνεψιαν siue essen-
 tiā rei explicant. HIERONYMVS ita scribit in haec nostra: se-
 cundum meam formam uiue & doce, quam a me breuiter ac-

C

cepisti.

cepisti, quomodo integre credere, & alterutrum diligere debeamus. Quod si itaque episcopo & ecclesiae doctori incumbit eiusmodi formam sanae doctrinae in animo habere; quidni et toti Ecclesiae licet talēm σύνοψιν, ideam, siue formam diuinarum ueritatum construere, quae uere apteque, ut typus exemplari, correspondeat Sacrae Scripturae; praesertim cum ad doctores ecclesiae, qualis fuit Timotheus, praecipue spectet officium condendarum fidei formularum, uti ad doctrinae I. C. prae aliis peritissimos testes et praecones. Eiusmodi quid obseruare licet in ueteri Ecclesia Iudaica, quae habuit μόρφωσιν τῆς γνώσεως καὶ NB. τῆς ἀληθείας. Rom. II. 20. Quo de merito suo gloriabantur teste Paulo Iudaei, & ipse Deo gratias agebat, quod toto corde obedierint, εἰς ἐν παρεδίζησαν τύπον ἀδαχής Rom. VI. 17. ecquid autem fidei formulae aliud sunt, nisi normata et formata ὑποτύπωσις, τύπος, idea, forma sanae doctrinae, et sanorum eius eloquendae modorum; unde eaurundem iustitiam clarere arbitror.

§. XVI.

IIIio.

In tertiam quam diximus formularum fidei partem probandum, assumimus Christi dictum Matth. XVIII. 17. 18. e quo conclusio ad praesentem rem a pari procedit. Si Ecclesia ex Christi institutione ius habet praefractos et contumaces peccatores communione eiiciendi, eidem etiam competit potestas obstinatos αὐλαγόντας a coetu suo arcendi et excludendi; ueritatis enim non minus ac charitatis ratio est habenda. Addo, claves coeli a Christo Ecclesiae traditas quam maxime eo spectare, ut eadem cum autoritate & pleno effectu decernat de diuinis ueritatibus, factisque humanis, ut sit doctrinae testis, custos & arbiter; quare etiam audit Paulo, secundum consuetam graeci textus interpunctionem σύλος καὶ ἐδραιώμα τῆς ἀληθείας. I. Tim. III. 15. Denique [sic rationes subducit magnus PVENDORFIVS ex citatione B. Dn. AB ELSWICH l.c.

p. 59.